

INFORMACIJA

„Sajam obrazovanja i zapošljavanja - naučite, istražite, povežite se“

Na poziv Europske Komisije Udruženje poslodavaca FBiH je učestvovalo na sajmu na „Sajmu obrazovanja i zapošljavanja - naučite, istražite, povežite se“, koji se održao 21.11.2014.godine pod pokroviteljstvom Kancelarije specijalnog predstavnika EU i Ambasade Norveške u Bosni i Hercegovini. UPFBiH je dodjeljen dupli štand i još pet dodatnih mjesta za članice našeg Udruženja.

Nakon što smo članicama poslali ponudu za učestvovanje na Sajmu, našem pozivu su se odazvale slijedeće kompanije; Klas d.d. Sarajevo, Natron-hayat d.o.o. Maglaj, GS TMT d.o.o. Travnik, te tri kompanije članice Grupacije poslodavaca ZE-DO Kantona pri UP FBiH. Predstavnici Europske Komisije su izvršili konsultacije sa predstavnicima Udruženja poslodavaca FBiH pri odabiru i dodjeli štandova drugim poslodavcima.

Oko 8 000 ljudi imalo je priliku da se susretne sa preko stotinu izlagača - preduzeća, institucija, međunarodnih projekata i posrednika u zapošljavanju. Posjetioци su imali priliku susresti se s poslodavcima, ambasadama i agencijama zemalja članica Evropske unije i Sjedinjenih Američkih Država, kao i sa predstavnicima nevladinog sektora i poslovnih inkubatora. Održano je preko 30 prezentacija sa atraktivnim i korisnim temama za učesnike u sajmu, kao i okrugli stolovi, interaktivne radionice na teme „Kako postati vidljiv na tržištu rada“, „Trendovi u zapošljavanju-globalno naspram lokalnog“.

Na štandu Udruženja poslodavaca FBiH izložene su sve Publikacije koje je Udruženje štampalo do danas, te je pored zastavica sa logom i roll up bannerom na video zidu prezentovana i naša web stranica. Pored printanih primjeraka, posjetioци su imali mogućnost dobiti i Publikacije u elektronskoj formi tj. snimljene na DVD.

Pored brojnih osoba koje su u potrazi za novim zaposlenjem štand su posjetili ambasadori, predstavnici udruženja nezaposlenih, te predstavnici međunarodnih organizacija u BiH.

Direktor UP FBiH. Mladen Pandurević je ovom prilikom održao Prezentaciju na temu „Tržište rada i opterećenje poslodavaca“.

Sajam je omogućio posjetioциma da direktno razgovaraju sa predstavnicima firmi i potencijalnim poslodavcima, kao i da saznaju više o mogućnostima za školovanje i zaposlanje

u BiH i u inostranstvu. Istovremeno, Sajam je bio prilika za preduzeća i institucije da predstave svoj rad, da razmijene informacije, da razvijaju mreže i privuku pažnju potencijalnih zaposlenika i sagovornika. Učesnici su imali mogućnost da saznaju više o Evropskoj uniji i njenom angažmanu u BiH.